



SLUŽBA MARKETINGA

Broj 08 3-36 1-1530-3/21
Sarajevo, 16.02.2021. godine

OSNOVNA ŠKOLA
N/r Direktora

PREDMET: Poziv za učešće u projektu "Najljepše pismo 2021. godine"

Poštovani,

Obavještavamo Vas da je počelo 50. Međunarodno takmičenje za izbor najljepšeg pisma 2021. godine, koje tradicionalno organizuje Svjetski poštanski savez (UPU), u saradnji sa poštanskim operaterima širom svijeta.

Tema ovogodišnjeg, 50. Međunarodnog takmičenja u pisanju pisama glasi:
„Napiši pismo članu porodice o svom iskustvu sa COVID-19“.

Ciljevi projekta "Najljepše pismo" su uključivanje što većeg broja osnovaca u pisanje najljepšeg pisma, razvijanje svijesti kod mladih o problemima sa kojima se svijet danas susreće kao i da se mladi ljudi upoznaju sa ulogom poštanskih usluga u životu svakog čovjeka.

Najljepše pismo, koje izabere Stručni žiri, predstavljat će Bosnu i Hercegovinu na svjetskom takmičenju za 2021. godinu. Za učenike, čija pisma uđu u najužu konkurenciju kao i za njihove nastavnike, osigurane su novčane i druge vrijedne nagrade.

Učenici pisma mogu poslati do **11. aprila 2021. godine** kada ističe rok za prijem pisama. Nakon toga slijedi izbor najljepšeg pisma za Bosnu i Hercegovinu te njegovo slanje UPU- u radi učešća na svjetskom takmičenju.

Ovom prilikom Vas pozivamo da učestvujete u projektu "Najljepše pismo 2021. godine" s ciljem učešća učenika Vaše škole u ovom takmičenju.

U prilogu Vam šaljemo propozicije takmičenja, kako bi se Vaši učenici na vrijeme upoznali s pravilima i rokovima takmičenja, te plakat uz molbu da ga istaknete na vidno mjesto u školi kako bi se što više učenika zainteresovalo i prijavilo na ovo takmičenje.

Srdačan pozdrav,

DIREKTOR

Mugdim Mandžuka, dipl. ing. saob.

Dostavljeno:

- Naslovu
- 08.3 EH
- a/a



"JP BH POSTA" d.o.o. Sarajevo, Obala Kulina bana 8, 71000 Sarajevo, BiH
Tel. +387 33 252 613 Fax. +387 33 252 743, e mail: kabinet@posta.ba
Općinski sud u Sarajevu, br. rješenja 065-0 Reg. 06-001196
Identifikacioni br. 4200682210005 PDV br. 200682210005 Porezni br. 01079729

kontakt centar
1312
www.posta.ba

50. Međunarodno takmičenje u pisanju pisama za mlade

PROPOZICIJE

1. Tema: Svjetski poštanski savez je za 50. Međunarodno takmičenje u pisanju pisama za mlade odabrao temu: **„Napiši pismo članu porodice o svom iskustvu sa COVID- 19“**.
2. Učestvuju: mladi ljudi do 15 godina starosti.
3. Sadržaj pisma: originalni rad dužine od 500 do 1000 riječi.
4. Pismo mora sadržavati sve elemente pisma (mjesto i datum, adresa pošiljaoca i primaoca, početni i završni pozdrav, kao i odgovarajući potpis na kraju).
5. Uz rukopisom napisano pismo potrebno je dostaviti i njegov elektronski prepis urađen na računaru ili pisačoj mašini.
6. Obavezno je uz pismo dostaviti i sljedeće podatke: ime i prezime učenika, datum rođenja, adresu stanovanja, broj riječi u pismu, ime i prezime nastavnika maternjeg jezika, naziv i adresu škole, brojeve telefona učenika i škole.
7. Datum zatvaranja takmičenja: **11. april 2021. godine**
8. Pismo s naznakom „Takmičenje u pisanju pisama“ treba poslati na jednu od adresa:

JP BH POŠTA d.o.o. Sarajevo
Služba marketinga
Obala Kulina bana 8
71000 Sarajevo

POŠTE SRPSKE a.d. Banja Luka
Služba za marketing
Kralja Petra I Karađorđevića 93
78000 Banja Luka

HRVATSKA POŠTA d.o.o. MOSTAR
Ured marketinga i korporativnih komunikacija
Tvrtka Miloša b.b.
88000 Mostar
9. Svi učenici osnovnih škola u BiH, starosti do 15 godina, imaju pravo učešća na takmičenju. Ukoliko škole prethodno naprave selekciju pisama, molimo da u jednoj koverti ne šalju više od tri pisma.
10. Pisma koja nisu u skladu sa propozicijama takmičenja neće biti uzeta u obzir.

IZBOR NAJLJEPŠEG PISMA I NAGRADE

Stručni žiri će odabrati predstavnika BiH na Međunarodnom takmičenju mladih u pisanju pisama i izdvojiti za posebne pohvale i nagrade još najmanje deset radova. Troje prvoplasiranih učenika će biti nagrađeni novčanim nagradama (300,00 KM, 200,00 KM i 100,00 KM) i pametnim telefonima, a njihovi nastavnici maternjeg jezika će biti nagrađeni novčanom nagradom u iznosu od 100,00 KM. Autori radova od četvrtog do desetog mjesta, također će biti nagrađeni bežičnim slušalicama. Tu su i nagrade iznenađenja, kao i posebna nagrada za najkreativniji rad.

Imena nagrađenih učenika i pobjedničko pismo bit će objavljeni na web stranicama i društvenim mrežama poštanskih operatera u BiH.

Nagrade na državnom novcu će, u skladu sa tadašnjom epidemiološkom situacijom, biti uručene na prigodnoj svečanosti u Banjoj Luci, u oktobru 2021. godine.

IZBOR NAJLJEPŠEG PISMA NA MEĐUNARODNOM NIVOU

Sva pobjednička pisma na državnom nivou Svjetski poštanski savez će poslati stručnom žiriju, koji će izabrati tri najbolja rada za zlatnu, srebrnu i bronzanu medalju, i još najviše pet pisama za posebne pohvale i nagrade.

POSEBNA NAPOMENA

Djeca iz BiH na Međunarodnom takmičenju mladih u pisanju pisama učestvuju od 2003. godine. Od tada do danas u naše poštanske uprave dostavljene su hiljade pisama. Mnogo izvanrednih pisama je učestvovalo na takmičenju svake godine, ali je i veliki broj onih čije su mogućnosti za pobjedu bile smanjene jer nisu ispoštovali pravila takmičenja. Zbog toga ponovno naglašavamo da pravila, odnosno propozicije takmičenja moraju biti ispoštovane. Cilj takmičenja je da se podstakne umjetnost pisanja pisama i usvoje osnovni elementi koje mora sadržavati svako pismo (adresa primaoca, mjesto, datum, oslovljavanje, sadržaj, pozdrav, potpis, adresa pošiljaoca).

Sva pisma koja stignu na navedene adrese su vlasništvo poštanskih operatera.

Kontakt osobe:

BH Pošta: Elvedina Halač, elvedina.halac@posta.ba, 033/252 659

Pošte Srpske: Milena Radić, milena.radic@postesrpske.com, 051/249 074

Hrvatska pošta Mostar: Eugenija Grubeša, eugenija.grubesa@post.ba, 036/445 092